



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann A 08.10.2023 - 15.10.2023 - 27. domënia ia por l'ann

n. 46

Le iudize de Dî de so popul

📖 Is 5, 1–7 | Fil 4, 6–9 | Mt 21, 33–44

Dal Vangele do San Mateo:

Te chël tëmp ti à Gejù dit ai gragn proi y ai plü vedli dl popul: ³³Aldide ciamò n'atra parabola: Al ê n patrun de n avëi che â fat na vigna, al l'â sigada ite, à ciavè fora na tortlara (da pestè l'üa) y à fat sö na tor. Spo àl afité ia la vigna a vignadus y s'un é jü te n'ater post. ³⁴Canch'al ê gnü le tëmp dla racoiüda, àl ortié i fané dai vignadus a se fà dè süa pert di früc. ³⁵Mo i vignadus à pochenè sü fané; un n'ài dramè adöm, n'ater ài copè, n terzo ài spedrè. ³⁶Sön chëra àl ortié d'atri fané, deplü co le pröm iade; cun chi ài fat bel avisa insciö. ³⁷Inultima ti àl ortié so fi, deach'al se ponsâ: Dan da mi fi arai bëgn respet. ³⁸Canche i vignadus l'â odü, ài dit un al ater: Chësc é l'arpadù! Inant, i le copun, ch'i arpunse so avëi. ³⁹Y ai l'â pochenè, l'â sciurè fora dla vigna y l'â copè. ⁴⁰Canch'al vëgn le patrun dla vigna: Cî sozedaral pa cun de te' vignadus? ⁴¹Ai ti à respognü: Al i fajarà fà na burta fin a chi malandrins, y la vigna ti afitalar a d'atri vignadus, che ti darà jö i früc dal dër tëmp. ⁴²Y Gejù ti à dit: Ne n'ëise mai lit tla Scritöra: La pera, che i muradus à sciurè demez, é diventada pera da ciantun; chësc él stè le Signur che à fat, Dan da nüsc edli él sozedü chësc miraco? ⁴³Y chël, che tomarà sön chësta pera, jarà en toç; mo sön chël, che la pera toma, chël fruziarà. ⁴⁴Porchël ves diji: Le règn de Dî ves gnarà tut demez a os y ti gnarà dè a n popul, che portarà i früc che alda.



KIRKUS 75

ANTIFONA

A túa potënza é sotmetü l'univers, Signur, y degügn ne po se mëte cuntra tè. Tö as pö fat cil y tera y döt ci ch'i amirun sot le cil. Tö es le patrun de döt.

📖 Letöres dla 28. domënia ia por l'ann:

Is 25, 6–10a | Fil 4, 12–14.19–20 | Mt 22, 1–14

Edema liturgica dai 08.10. ai 15.10.2023

2023	Ora	Mëssa
27. domënia ia por l'ann 08.10.2023 <i>Sciomun, Sara, Günther</i> <i>Rengraziamënt dla racoiöda cun l grup dles families</i> <i>Oferta por la ploania</i>	9:30 10:00	Corona Santa Mëssa dla domënia Festa dla racoiöda familia Kircher La Curt de Sura rengraziamënt + Angela Prousch
LÖNESC - 09.10.2023 <i>Dionisius y compagns, Denis, Johannes Leonardi, Sibylle</i>		<i>19.30 - S.M. a La Plí</i>
MERTESC - 10.10.2023 <i>Daniele Comboni, Victor</i>	7:30	Santa mëssa di scolari <i>letur Marlene</i> + Angela Prousch
MERCUI - 11.10.2023 <i>Giovanni XXIII°, Bruno</i>		---
JÖBIA - 12.10.2023 <i>Maximilian, Gottfried, Serafin</i>		<i>7.30 - S.Mëssa a Rina</i>
VËNDRES - 13.10.2023 <i>Eduard, Andreas L., Aurelia</i>		<i>7.30 - S.Mëssa a Al Plan</i>
SABEDA - 14.10.2023 <i>Calist I., Burkhard, Alan</i>		<i>7.30 - S.Mëssa a La Plí</i> <i>18.00 - S.Mëssa prefestiva a Al Plan</i>
28. domënia ia por l'ann - 15.10.2023 <i>Tarejia de Gejú (d'Avila)</i> <i>L'oferta va a siur Pio Dapré por les Misciuns</i>	9:30 10:00	Corona Santa Mëssa dla domënia <i>(siur Pio Dapré)</i> + Maria Clara Biëi aniversar + Paul Clara

Mësses a San Martin:

Dom 9.30 (lit. par.) Dedol 18.00 Sab 18.30 Dom 9.30



Informaziuns y terminns

En domènia ai 15 saral chiló le miscionar, siur Pio Daprè a dí mëssa y a baié sura les Misciuns, porchël jará ince l’offerta a vël por les misciuns.

Edema dla fede: dai 15 ai 22 de otober saral indo l’edema dla fede dal titul “ La bibia – apoteca dl’anima” , ulache düc é dër bel inviá a tó pert!

Comun: chisc dis gnaral indô metü sö les **bënes por sciuré i ciüf**; ares restará cina ai 28.10.2023; al vëgn racomané da sciuré ite tles bënes ma i ciüf, nia ince lades, fassli, bossi, peres y ater patüc che ne se lascia nia composté.

Le **Museum Ladin** inviëia al **laborator creatif** por mituns y mitans: - **Trienala Ladina for kids**, en mercui, ai 18.10.2023, dales 15:00 ales 17:00 dl Museum Ladin Ciastel de Tor a San Martin de Tor, por mituns y mitans dai 7 ai 10 agn. Le numer de partezipaziun al workshop é limité a 15 posc, porchël periunse de na prenotaziun por telefon a 0474-524020 o mail prenotaziuns@museumladin.it . Le cost de partezipaziun è de 5,00€ a möt:a

Workshop de comunicaziun por surastanc y mëmbri de uniuns - **UNIUN FEJ LA FORZA! - Lauré tles uniuns por fá crësce entusiasm y motivaziun**

Avisa surastanc y mëmbri dles uniuns mëss fora le potenzial creatif y le savëi coletif de n grup. Al ó ester competënzes por mené sentades te na maniera efiziënta, por motivé y ativé porsones, por savëi co evité o stlarí conflic. Kathia Nocker y Kevin Hofer, trami esperc te chësc ciamp, dará inant so savëi ai 12 y 17 de otober (Kathia Nocker) a San Martin de Tor tl salf di stödafüch y o ince ai 19 y ai 24 de otober (Kevin Hofer) a La Ila tla Ciasa dla Cultura. Les serades é gnüdes ponsades a na moda che sides i termins co ince i posc é flessibli, ares mët man dales 19.30, vëgn tignides por todësch y é debann. Prenotaziuns 0474 524552 sozialsprengel.gadertal@bzgpust.it
Organisaziun: Comité de Raiun Val Badia

Le Raiun Sozial Val Badia chir na porsona por l’aministraziun cun diplom de matura y atestat de bi- o ince trilinguism B/B2, por n contrat a tëmp determiné al 75%, da jená 2024 inant. Por de plü informaziuns contatéde Siglinde Erlacher 0474 524552 o siglinde.erlacher@bzgpust.it

La **farmacia Pütia** é stlüta dal 15.10.23 al 22.10.23.



Le dotur Eduard Agreiter é demez dai 9 ai 11 d'otober y vëgn sostituí dala dr. Mahlkecht.

Edema dla fede 2023

dai 15 ai 22 de otober

La Bibia – apoteca dl’anima

Domënia, 15 de otober 2023	
te vigni ploania	Gran Mëssa - De de fede tla comunité de ploania
Lönesc, 16 de otober 2023	
te vigni ploania	Cërtil dla Bibia – partí la Bibia
Mertesc, 17 de otober 2023	
Corvara, dales 20:00 Salf de calonia	Sëra cun Elisabeth Oberbacher y siur Ulrich Fistill Öri dla Bibia – medejina ince por me?
Jöbia, 19 de otober 2023	
San Martin, dales 20:00 Salf di stödafüch	Sëra cun siur Stiglmair Arnold Warum erzählen die Evangelisten Wundergeschichten? (Heilungsgeschichten)
Vëndres, 20 de otober 2023	
Badia, dales 20:00 Ciasa Runcher	por jogn y manco jogn Sëra dla Bibia cun siur Sepl Granruaz (online)
Sabeda, 21 de otober 2023	
San Martin, dales 9.00 – 17.00 Istitut ladin	“ Essere chiesa oggi” cun don Valentino Maraldi Modul de basa dl percurs diozejan de formaziun (präibel se prenoté pro Annamaria 347 5277810)
Domënia, 22 de otober 2023	
Oies, dales 16:00h 15:15h	Conclujiun dl’edema dla fede cun na santa mëssa Prozesciun dla dlijia de Badia demez a Oies

	10.10.2023	Paul – Raphael A.
	15.10.2023	Denise – Niklas – Alexia - Magdalena
	15.10.2023	Bernhard Ellecosta

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | o tel. 3803520465
www.unitepastorala.org | www.comun.sanmartindetor.bz.it